



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 4. Vtrum Incarnatio reipsa sit facta, & quomodo id probari queat.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

6 Quæst. 1. De conuenientia Incarnationis. Art. 1. Dub. 4.

Ex mysterio Eucharistie, & per se subsistere ergo etiam substantia, nempe humana natura poterit spoliari suo supposito, & constitui in alio. Item ergo subsistens per se, poterit in alio collocari, & ab eo sustentari, præfertim ab hypostasi diuinâ, quæ est infinita perfectionis in ratione hypostaticâ, habetque vim sustentandi infinitam: nam sustentare aliud, nullam dicit imperfectionem.

Secundò, Ex mysterio Eucharistie, Vbi videmus accidens separatum esse à suo subiecto, & per se subsistere: ergo etiam substantia, nempe humana natura poterit spoliari suo supposito, & constitui in alio. Item ergo subsistens per se, poterit in alio collocari, & ab eo sustentari, præfertim ab hypostasi diuinâ, quæ est infinita perfectionis in ratione hypostaticâ, habetque vim sustentandi infinitam: nam sustentare aliud, nullam dicit imperfectionem.

Tertiò, Quia Deus est omnipotens, & creaturæ sua intimè præsens, tamquam vita, spiritus, & esse ipsius: cur ergo non posset eam sibi astrin gere & copulare, ita ut illam tamquam hypostasis sustentet; cum hoc nullam imperfectionem inuoluat?

D V B I V M I V.

Vtrum Incarnatio re ipsa sit facta, & quomodo id probari queat?

14 Varij errori res circa Incarnationem.

N otandum est, Incarnationem negari ab omni generis infidelium: Ethnici enim dicunt esse impossibile, quorum argumenta suis locis soluentur; & quantum res patitur, ostendimus dubio 3. esse possibilem. Quod autem re ipsa sit facta, potest contra illos ex communibus fidei notis probari: de quibus dictum est 2. 2. qu. 1.

Iudei etiam negant illud esse præstitum: contra quos valent rationes illæ communis ex fidei notis; & præterea propria quædam, quibus ostendimus Messiam in lege promissum iam venisse, & esse verum Deum; ac propterea hoc mysterium esse revera præstitum.

Hæretici autem varios errores circa hoc mysterium habent. Quidam enim negant esse Deum, aut extitisse ante ortum ex virginie: vt Ebion, Cherintus, Paulus Samosatensis, Photinus, & alij. Contra quos sufficiunt ea quæ tractari solent in Tractatu de Trinitate; vbi ostenditur Verbum seu Christum esse Deum.

Alij errant circa Christi carnem: alij circa animam: alij circa personam; alij circa unione, quæ suis locis refutabuntur. Tantummodo supereft, vt ostendamus contra Iudaos primò; Messiam venisse: Secundò; ipsum esse Deum: ita enim probauerimus mysterium Incarnationis re ipsa esse præstitum.

Quod ad primum attinet, Messiam venisse, patet 1. Gen. 49. vers. 10. vbi Iacob benedicens filio suo Iude, ait: Non auferetur sceptrum de Iude, & dux de famore eius, donec veniat qui mittendum est, & ipse erit expeditio gentium. Qui locus est variè legatur, vt patet ex Hieronymo in Quæst. Hæbraicis, sensus tamen est idem: Hæbraicè est: Donec veniat Scilo, & ipsi congregabuntur omnes populi. Vbi per Scilo intelligitur Messias. Quod patet primò; quia dicitur Expeditio gentium, quod est proprium nomen Messiae: vt patet Aggæi 2. vers. 8. Veniet desideratus cunctis gentibus. Secundò, Quia Chaldaea paraphrasis verit, Donec veniat Messias, cuius est regnum. Tertiò, Quia ita intellexerunt hunc locum omnes antiqui Rabbini, teste Galatino lib. 4. cap. 4. de arcans Theologicæ veritatis. Itaque ex hoc testimonio aperte habemus principatum populi Iudaici non esse afferendum à Iude, donec Messias venerit; atqui

iam à mille sexcentis annis ablatus est, non solum à tribu Iude, sed etiam à toto populo Israëlitico: ergo certum est Messiam iam venisse.

Dices, Multis annis ante Christi aduentum fuisse ablatum principatum de Iude; nempe à temporibus Machabæorum, quo tempore tribus Levi principatum obtingebat; nam Sacerdotes etiam in politicis prærerant.

Respondeo Primo, Per Iudam intelligi populum Iudaicum; in quo populo principatus usque ad Christi aduentum fuit conservatus. Ita intellexi, Eusebius lib. 1. Histor. cap. 6. Et lib. 3. de porto Messiae. Euangelic. c. 2. Iustinus Dialog. contra Triphonem circa medium. August. lib. 18. de civitate, cap. 45. Idem insinuat Athanas. lib. de incarnatione. Et Chrysost. in hunc locum.

Respondeo Secundò & melius, Per Iudam intelligi tribum Iude; nam ibi benedicit Iude filio suo & posteris eius, sicut alijs filii. Vnde dico sceptrum, id est, principatum, non esse ablatum de tribu Iude. Quia postquam capit in ea, quod factum est propriè tempore Davidis, semper manuit principatus ipsius tribus, quamvis non administraretur per aliquem qui propriè esset ex illa tribu, vt per Machabæos &c. Quod patet primo; Quia ciuitas regalis, & sedes regni, & totus ferè populus, ad eam tribum pertinebat; nam qui ex alijs tribubus illis erant permixti, pauci erant respectu ipsorum; ita ut nomen proprium alia illæ tribus amitterent.

Secundo; Quia in ditione tribus Iude, omnes habitabant.

Tertiò; Quia Scriptura 4. Reg. 17. vers. 18. totum populum Iudaicum qui post captiuitatem decem tribuum remansit, vocat tribum Iude; Iratusque, inquit, Dominus Israëli, absulit eos à conspectu suo, & non remansit nisi tribus Iude tantummodo, cum tamen etiam tribus Beniamin, & multi alijs qui ex alijs tribubus ad Iudam accederant, remanserint.

Quartò; Quia principatus electione populi illis temporibus dabatur, non autem iure hereditario, vt patet 1. Machab. c. 9. quod signum est fuisse ipsius populi. Vide Pererius in c. 49. Genet.

Probatur Secundò; Ex cap. 9. vers. 24. Danielis: Septuaginta hebdomades, inquit Angelus Danieli, abbreviate sunt super populum tuum, & super vibem sanctam tuam, ut consummetur prævaricatio, & finem accipiat peccatum, & deleatur iniquitas, & adducatur iustitia sempiterna, & impletatur visio, & propheetia, & vngatur sanctus sanctorum. Quem locum omnes antiqui Rabbini exponunt de Messia; Et patet ex illis verbis: Et vngatur sanctus sanctorum, quod est proprium nomen Messiae. Et ex istis: Ut consummetur prævaricatio, & adducatur iustitia sempiterna, quod est officium Messiae. Et infra; Post hebdomadas sexaginta duas, occidetur Christus; & non erit eius populus, qui enim negaturus est. Aperte autem indicatur tempus aduentus eius per 72. hebdomadas. Pro quo notandum; hebdomadam in Scripturis tantum dupliciter accipi: primò; pro spatio septem dierum, vt Leuit. 25. v. 8. Numeratis septem hebdomadas annorum; & proximè sequens, qui erit quinquagesimus annus, erit Jubileus, qui erat annus remissionis.

Probatur contra Iudaos,

Scilo.

Quæst. 1. De conuenientia Incarnationis. Art. 1. Dub. 4.

7

remissionis. Certum est autem hebdomadas Danielis non esse hebdomadas dierum, quia sic eius prophætia intra sesquiannum completa fuisset: ergo accipitur pro hebdomadibus seu septenarijs annorum. Figmentum autem est alter hebdomadas velle accipere, cum nullum fundamentum habeat in Scripturis. Septuaginta hebdomades efficiunt quadragesimæ nonaginta annos, quos constat esse completos circa tempora Christi.

Petet, Quando incipiunt hæ hebdomadæ, & quomodo sunt computandæ?

Respondeo, Illas incipere Ab exitu sermonis, vt iterum adficitur Ierusalem, vt exprefse dicit Angelus cap. 9. vers. 25. Danielis; id est, ab eo tempore quo data est potestas rufus instaurandi Ierusalem; quam potestatem nusquam legimus datam nisi lib. 2. Esdræ cap. 2. vbi habemus anno vigesimo Artaxerxis datam esse facultatem Nehemias reædificandi Ierusalem, quam etiam tunc ædificataam esse & quidem in angustia temporis, vt dicitur apud Danielē, id est, breui tempore, & opugnântibus vicinis, pater lib. 2. Esdræ c. 4. & 6.

Itaque computandæ sunt à vigesimo anno Artaxerxis Longimani, qui fuit septimus Rex Persarum. Modus autem certissimus eas computandi, est per Olympiades, quæ certissimæ sunt apud omnes Scriptores, & plurimum conducent ad quæstiones sacras, teste Aug. lib. 2. de doctrinâ Christianâ c. 28. Est autem Olympias tempus quatuor annorum, post quod ludi olympici olim célébrimi in Græciâ instaurabantur. Cæpit autem Artaxerxes regnare olympiade septuaginta nonâ, anno primo illius olympiadis, vt docet Eusebius in Chronicō, & alij. Vnde vigesimus annus regni eius, erat quartus annus olympiadis octogesima tercia. Quod etiam exprefse testatur Iulius Africanus exactus chronographus apud Hieronym. in cap. 9. Danielis. Ab hoc ergo anno olympiadis 83. inchoanda sunt hebdomadæ Danielis. Porro septuaginta hebdomades conficiunt annos 490. qui anni sunt lunares, nempe 354. dierum, minores nostris annis solaribus, vndecim diebus, & sex horis; vt ex multis auctoribus ostendit Pererius lib. 10. in Daniel. nempe ex Iulio Africano, Theodoreto, Beda, Rupert. & alijs. Ideo enim scripturam dicere *septuaginta hebdomades abbreviata sunt*, id est, bræues constitutæ, & ad annos lunares contractæ: Vnde 490. anni lunares, efficiunt solares annos 475. & medium, cum 23. diebus. Atqui 475. anni solares efficiunt 119. olympiades uno minus anno: ergo 70. hebdomades Danielis efficiunt 119. olympiades uno anno minus. Nnunc adde 119. olympiades ad 83. olympiades præcedentes, habebis 202. Olympiades. Ex quo perspicue sequitur hebdomades septuaginta Danielis fuisse completas olympiade 202. completæ: atqui Christus passus est olympiadis 202. anno quarto, vt patet ex Chronicō Eusebij, qui etiam id probat ex Phlegonte ethnico authore qui scribat illo anno quarto olympiadis 202. contigisse memorabilem illam Ecclipsim solis, & terræ motum qui multas vrbes in Bithynia subvertit. Hæc autem erat ultima hebdomada, in qua omnia compleri debebant, quæ apud Danielē de Messia dicuntur. Quare cum hæc omnia videamus tunc in Christo impleta, & postea securam esse perpetuam vrbis & templi defolatiōnem, & totius Reipublicæ Iudaicæ euerſionem,

qua ibi secura prædicuntur, euidentis est ipsum esse Messiam.

Tertiò probari potest, ex c. 2. Isaiae, & Micheæ 4. in principio: Et eru in nouissimis diebus prepara-
rus mons domus domini in vertice montium.

Ex varijs
locis S.
Scriptura.

Quartò, ex cap. 2. Habacuc v. 3. Quia adhuc vi-
sus procul, & apparet in finem, & non mentitur: si
moram fecerit, expecta illam, quia veniens veniet, & non
tardabit.

Quintò ex cap. 2. Aggei v. 7. & 8. Adhuc vnam
modicam est, & ego conuoueo celum, & terram, &
mare, & aridam; & moueo omnes gentes, & venet
desideratus cunctis gentibus, & implebo domum istam
gloriæ, dicit Dominus exercituum.

Sextò, ex Malachia 3. in principio; Ecce ego
mitto Angelum meum & preparabit viam ante faciem
meam, & statim veniet ad templum suum dominator
quem vos queritis, & Angelus testamenti, quem vos
vultis. Quæ loca diligentissime expendit Franciscus
Ribera. Ex his & similibus prophetijs factum
est, vt Iudæi tempore Christi Messiam expecta-
rent, quia sciebant tempus iam appetere, quod di-
uinis oraculis indicabatur. In eo totus penè orbis
plenus erat famâ venturi maximi Regis, qui om-
nia imperio suo subiugaret, & quem omnes Re-
gæ agnoscere deberent, si salvi esse vellent. Patet
hoc ex Cicerone tum alibi, tum libro 2. de Di-
uinatione. Et ex Suetonio in Tito & Vespafiano.

Vtliim efficacissime probari potest ex illu-
strissimis notis Mesiæ, prædictis vel adumbratis
in veteri Testamento, & impletis in novo. Quid-
quid enim apud Euangelistas legimus de Christo,
multis scilicet antea prædictum ostendere possumus
a Prophetis; & pleraque ita clara, vt non
prophetia, sed historica narratio videatur, vt fu-
turum Deum & hominem, & cum hominibus
versaturum. Baruch. 3. & Isaiae 35. Generatum
iri ex Virgine incorruptâ, Isaiae 7. Nasciturum in
Bethleem. Micheæ 5. Tempus nativitatis, Genes. 49. & Daniel. 9. Habitum Præcursorum,
Isaiae 40. Malachia 3. Quid & quibus prædicatu-
ris, Isaiae 61. Quæ miracula editurus, Isaiae 35. Ingressum Ierusalem paupere habitu Asine in-
sidente, summa populi gratulatione, Zacharie 1.
Quæ vero ad Pascham & mortem, omnique
circumstantias pertinent, accuratè prædicta à
Dauide & Isaia alijisque: Descensus ad inferos, &
Patrum liberatio Eccl. 24. & Zachar. 9. Refur-
rectio Psal. 3. & 15. & alibi. Ascensio Psalm. 67.
& Micheæ 2. Denique missio Spiritus sancti, mis-
sio Discipulorum in totum mundum, Gentium
vocatio & conuersio; Iudeorum reiectione & dis-
persio: de quibus vide Pererium lib. 10. in Dan.
quæst. 14. & 23. Quæ si omnia simul consideren-
tur, plusquam moraliter euidenti faciunt, non so-
lum Messiam venisse, sed etiam Christum esse
Messiam, & nullum alium expectandum.

Vnde quidam Iudæi euidentia Scripturarum
conuicti, admittunt Messiam venisse, sed humili-
lem & pauperem; expectant tamen alium illu-
strem: distinguunt enim duos Messias, vnum fi-
lium Ephraim seu Joseph, cui competant ea, quæ
de Christi humilitate & cruce Scripturæ com-
memorant: alterum filium Dauid, cui ea quæ de
Christi maiestate & gloria sunt prædicta. Vide
Genebrard. in Psal. 79.

Quod ad secundum attinet, breuiter ostende-
mus Messiam esse verum Deum.

Duplex
Iudaorum
Messias.

Messias
est verum
Deus.

A a iiiij Proba-

Incipit
à redi-
carione
Hierosolæ.

Computa-
di per
Olympia-
dæ.

Pilegen.

8 Qu. i. De conuenientia Incarnationis. A. i. Dub. 4. A. 2. Dub. 1.

Ex Isaiae. Probatur Primò, Ex cap. 35. v. 4. & 5. Isaiae: Deus ipse veniet & saluabit nos; tunc aperientur oculi eorum, & aves sordorum patibunt. Quo loco esse sermonem de Messia, patet; quia nemo Prophetarum illa miracula, que ibi recententur perficit, præter verum Messiam: neque Iudei ab alio illa expectant. Vnde Dominus ut scipsum ostenderet esse Messiam, interroganti Ioanni per discipulos suos, Tu quis es? Respondit: Ne & renuniate Ioanni: Ceci vident, Claudi ambulant, Sardi audiunt &c. insinuans hunc locum Isaiae, tamquam certissimam Messie notam. Vide plura apud Athanasium libro de Incarnatione Verbi, ultra medium. Cyprian. lib. 2. testimoniorum contra Iudeos cap. 7. Euseb. lib. 6. de Demonstrat. cap. 21: & alios.

El. Probatur Secundò, Isaiae cap. 9. v. 6. Parvulus natus est nobis, & filius datus est nobis. Et factus est principatus eius super humerum eius, id est, erit Rex; & vocabitur nomen eius Admirabilis, Consiliarius, Deus, Fortis. Qui locus etiam efficax est. Nam est in Hebreo, pro Deus sit, El, quod etiam interdum idem significat quod Fortis; tamen hic non potest ita accipi, quia sequitur Gibbor, quod est Fortis; unde hic significat vere Deum: sicut Isaiae c. 10. v. 21. quando dicit reliquias Israël conuertendas ad Deum Fortem, ibi etiam est El Gibbor.

Gibbor. Probatur Tertiò, Ex Isaiae cap. 52. verf. 6. Propter hoc scierit populus meus nomen meum in die illa, quia ego ipse qui loquebar: ecce adsum; id est, adero præfens, more Prophetico. Vbi certum est loqui verum Deum, nam vocat Israël, populū suum. Hunc autem Deum esse Messiam; patet, quia toto illo capite narratur fructus aduentus eius. Neque potest exponi ipsum adfuturum metaphoricè, scilicet per efficaciam sue energiam; quia dicit seipsum adfuturum, qui ante loquebatur per Prophetas; & per se redempturum populū suum.

Ex Michæla. Probatur Quartò, Ex Michæla cap. 5. verf. 2. Tu Bethlehem Ephrata, parvulus es in milibus India, ex te milii egredierunt qui sit Dominator in Israël: & egressus eius a diebus aeternitatis. Vide plura apud Euseb. lib. 5. de Demonstr. Euangelicā. Et Basil. lib. 4. contra Eunom. Chrysost. hom. Quod Christus sit Deus. Augustinum lib. 18. de Ciuitate ad cap. 29. usque ad 35. & Lyranum contra Iudaos in fine Glossæ ordinarie.

**21
4. errores
Iudeorum
circa Messiam.** Objectiones Iudeorum facile dissoluuntur, si quatuor errores ipsorum in exponendis Scripturis, considerentur. Primus est, quod existimat imperium Messiae, de quo Isaiae 2. & Michæla 4. & alibi, temporale futurum. Secundus, quod omnes promissiones, quas Messia aduentu nos consecuturos esse Scriptura commemorat, vt Deuteronom. 30. Ezechiel. 38. Ioel. 3. & alibi; existimat esse terrenas. De quo vide Origenem lib. 4. *περὶ παραβολῶν*. cap. 2. Tertius, quod multa metaphorice dicta, volunt proprie accipi; vt, *Habitabit lupus cum agno*, Isaiae c. 11. v. 6. Quartus, quod non distinguit duplēcē Messie aduentū, alterum humilem, de quo plurima in Scripturis: alterum gloriōsum, de quo Malachij vltimo, & Ezechiel. 38. Vide Ireneum lib. 4. c. 56. Quibus erroribus ita sunt impliciti, vt nullam proprie Scripturæ partem recte intelligant. quod sit, vt ab eorum expositionibus diligentissime sit cauendum.

ARTICVLVS II.

Vtrum necessarium fuerit ad reparationem generis humani Verbum Incarnari?

R Espondet D. Thomas non fuisse ita necessarium, vt sine eo non posset genus humanum reparari; fuisse tamen necessarium, vt melius & conuenientius repararetur.

DVBIVM I.

Vtrum Incarnatio Verbi absolute necessaria ad humani generis redemtionem?

R Espondeo; non fuisse absolute necessariam. 23 Est certa. Ita Doctores in 3. d. 20. & ex professe D. Augustinus de agone Christiano c. 11. & lib. 13. de Trinit. c. 10.

Probatur Primò, Quia potuit alijs multis modis hominem reparare, cum eius sapientia & potestitia, non sint contraria ad unum modum. Modi qui possunt hominem reparare, lapsum hominem remittere. Nam primò, potuit gratis remittere omnem culpam & penam: cum enim sit supremus Iudex, potest in exequendâ iustitiâ, & vindicandis peccatis dispensare; & cum sit absolutus omnium Dominus, nemini faciet iniuriam: neque idcirco laetet iustitiam; quia non obligatur vt iustitiam exerceat. Confirmatur. Sicut enim vniuersisque potest donare quod suum est, ita etiam condonare & remittere quod sibi debitum, absque iustitiam noxiam; Ut recte Durand. dist. 20. q. 2.

Secundo; Potuit constituire unum caput humani generis, quod non sit Deus; sed purus homo, vel Angelus; & acceptare eius qualemcumque satisfactionem. Sicut enim positiva Dei ordinatione, omnium voluntates in Adamo constituta fuerunt ad demerendum (non tamen eo fine) ita etiam constitui poterant ad satisfactionem, vt eius penitentia toti humano generi imputaretur, & ad omnium reconciliationem acceptaretur.

Tertiò; Posset, non constituto aliquo capite, à singulis hominibus exigere eam satisfactionem, quam ipsi possent praestare per gratiam preuenientem, ipsis ex misericordia concessam; vt iam de facto à peccatoribus.

Sed contra, Objicitur Primò, ex commentario Ambrosij in c. 9. ad Hebreos in illud verf. 15. Et ideo noui testamenti mediator est. Vbi dicitur, tantum fuisse nostrum peccatum, vt saluari non possemus, nisi Unigenitus Dei Filius moreretur. Similia habet D. Leo, Epist. 8. & Anselm. lib. 1. Cur Deus homo cap. 24. & 25. & l. 2. c. 15. 16. & 18.

Respondeo; Isti Patres dicunt fuisse necessarium non absolute, sed suppositâ diuinâ ordinatione & scripturarum promissione; vel certè vt modo conuenientissimo fieret nostra redemptio.

Objicitur Secundo, Incarnatio Dei, erat modulus conuenientissimus ad reparationem generis humani, vt dictum est supra: atqui Deus, cum vult aliquid facere, necessariò vult id, quod est conuenientissimum: ergo si volebat nos reparare,

22

23

24

25